



## Extrait de la revue **SingulierS** du 3<sup>ème</sup> trimestre 2009

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

**Rubrique : Rizêye**

### Lès galètes al pôsse

In fwârt vî ome astot stindu dins s' lit, prêt' a fé sa dêrine bôye.

Dul vèsprêye, tout s' ranêrant in pô, i sint ène mou bone odeûr ki monte dul cûjine èt mousse dins sa tchambe. C' astot la cé dès galètes al pôsse, lès cés k' il inme lu mî.

Adon, i rassan.nes sès dêrines fwâces, èt s' lève du lit, pîs mousse fû dul tchambe a coûtcher. I dchind lès-ègrès, tout s' agritchant al rampe avu sès deûs mwins. Arivé an bas, i droûve l' uch dul cwîzine, pou noder çu si bone odeûr la. I s' crwârot dabôrd ou paradis... La, dvant sès-oûys, s' la tôle an trin d' rafrèdit, i put vèy un moncê d' galètes, dins cink grands platês. Ké boneûr d' awèr ène si vayante fame, ki n' rovîe jamwès d' lî fwêre plêji ! Èt noste ome, bèni l' cièl pou ç' moumint la ki l' rind si binôje, dins sès dêrins moumints.

Adon, tout doûcètmint tout trin.nant sès pîds, i gangne la tôle èt prind ène tchèrîe. Pîs stind sa mwin pou apicer l' galète k' èst la pus près d' li... Su l' còp, i ramasse in fèl còp kîe d' bwès s' la mwins, èt sa fame, drèssêye a costé d' li, lu ragrougne tout djant :

– N' è prind pont, surtout, c' èst pou l' atèrmint !

Pierre OTJACQUES